

# पितरां को आशीर्वाद म्हाने तो मालामाल करग्यो

तर्ज : नखरालो देवरियो

पितरांको... आशीर्वाद  
म्हाने तो मालामाल करग्यो  
माला.. माल करग्यो जी निहाल

थे हो म्हारे घर का देवता  
हरदम रहवो सागै  
थारी किरपा से ही म्हे तो  
दिन दिन बढ़ां हां आगै  
पितरांको... आशीर्वाद  
जीवन में धमाल करग्यो

मावस ने थारे दिवलो चासां  
नितकी धोक लगावां  
पेंडे माही आप विराजो  
थारो देयडो खावां  
(म्हारे मनमें आप विराजो  
थारो देयडो खावां)  
पितरांको... आशीर्वाद  
म्हारी तो देखभाल करग्यो

सागै रहता सागै खाता  
बै दिन आवै याद  
एक पलभी थानै नही भूल्या  
थारै जाणे के बाद  
पितरांको... आशीर्वाद  
पगपग पे सम्भाल करग्यो

भूलचूक म्हारी माफ करो हो  
आप बड़ा दातार  
अम्बरीष बोले सागै रहज्यो  
बणकर पालनहार  
पितरांको... आशीर्वाद  
म्हारा पुरा सवाल करग्यो  
(भग्तां का पुरा सवाल करग्यो)

Lyrics : Ambrish Kumar Mumbai

9327754497

जय पितर जी की

<https://www.bhajanganga.com/bhajan/lyrics/id/34051/title/pittan-ko-ashirvad-mahane-toh-malamal-kargyo>

अपने Android मोबाइल पर [BhajanGanga](#) App डाउनलोड करें और भजनों का आनंद ले |